

# Powšitkowne WOZJEWJENJA

njedźelu, 9. měrca 2025

## Modlenje w Róžeńće

Na modlenje před Najswjećišim su wěriwi sobotu, 15. měrca, we 18.00 hodź. do Róžeńčanskeje hnadowneje cyrkwy přeprošeni. Pačerje budu w serbskej a němskej rěči spěwane.

## Na Ekumeniski póstny seminar

„Wobchad z palnymi murjemi – wotmjezowanje a mjeza“ rěka heslo lětušeho Ekumeniskeho póstneho seminaru w Smochčanskim kubłanišću swjateho Bena. Planowane su wospjet štyri zarjadowanja po štyrjoch póndźelach póstneho časa. Započatk je stajnje w 19.30 hodź. Na přenim zaběra so Frank Richter póndźelu, 10. měrca, z temu z towaršnostneho wida. Wšitcy zajimcy su wutrobnje přeprošeni.

## Komorna hudźba z čitanjom

Publikaciji „Prjedy hač woteńdžeš“ wěnuje Budyski Serbski ludowy ansambl (SLA) literarno-hudźbnej zarjadowani. Wonej wotmějetej so štwórtk, 13. měrca, w 19.30 hodź. w němskej rěči kaž tež njedźelu, 16. měrca, w 17.00 hodź. w serbskej rěči, stajnje na žurli SLA. Basnica Róža Domašcyna čita swoje teksty z mjenowaneje publikacije, k tomu pokazaja wobrazy Maćija Bulanka poslednich nošerkow narodneje drasty. Smyčkowy orchester SLA z hudźbu Měrcina Weclicha a dalších serbskich komponistow zarjadowanje wobrubu. Kartki dóstanu zajimcy při kasy SLA w Budyšinje abo na internetowej stronje ansambla. Link je pod [www.posol.de](http://www.posol.de) podaty.

## Zetkanje samostejacych

Samostejacy ze serbskich wosadow su na swoje lětuše přenje zetkanje wutoru, 18. měrca, w 14.00 hodź. do Smochčanskeho kubłanišća swjateho Bena přeprošeni. Zajimcy njech so hač do wutory, 11. měrca, w redakciji Katolskeho Posoła přizjewja, telefonowe číslo (0 35 91) 55 02 12. Dalši zajimcy, kotřiž njejsu samostejacy, su tohorunja wutrobnje witani. Kóždy njech sej Wosadnik sobu přinjese. Štóž chce wotewzaty być, njech to prošu zdžěli.

## Putnikowanje swójbow

Putnikowanje swójbow do Róžanta budže zaso pjatu póstnu njedźelu, lětsa je to 6. apryla. Boža mša w hnadownej cyrkwi zahaji so w 9.00 hodź.

## Pytaja wosobu, kiž hosći wozy

Zwjazk Carity pyta za swoju Dnjowu hladarnju „Při Krabatowym puću“ we Worklecach wosobu, kotraž by jeje hosći wozyła. Wona ma jich doma wotewzać, do Worklec a skónčnje zaso domoj dowjezc. Nadrobne wupisanje z adresu zarjadnišća je pod [www.posol.de](http://www.posol.de) wozjewjene.

## **Zakónčenje wosebiteje wustajeńcy**

Finisažu wosebiteje wustajeńcy pod hesłom „Wěčne pućowanje. Barba a słowo w twórbje ukrainskeho wuměłca Andrija Sharana“ budže njedzelu, 16. měrca. Zarjadowanje zahaja z wodženjom w 15.00 hodž. Po tym předstaja katalog k wosebitej wustajeńcy. Zajimcy su wutrobnje přeprošeni.

## **Wo Ochranowskej pobožnosći**

Marleen Schindler ze Serbskeho instituta porěči wutoru, 18. měrca, w 19.00 hodž. na Michalskej farje w Budyšinje wo česćenju kreje a ranow w Ochranowskej pobožnosći. W přednošku rozloži wona dopóznaća swojeho masterskeho džěła, w kotrymž wona wosebity slowoskład Ochranowskich tekstow přepytuje. Přirunuju serbske a němske kěrluše Marleen Schindler wuswětli, na kotre wašnje nabožna řeč tehdy začuća a předstawy wo wěryje formowaše. Přednošk, na kotryž Maćica Serbska jako zarjadowarka přeprošuje, je w němskej řeči. Zastup je darmotny.

## **Spirituelna instalacija zwukow a swěcy w Kamjencu**

Awdiowizuelne dožiwjenje wočakuje wopytowarjow Kamjenskeje katolskeje cyrkwe swjateje Marije Madleny. Z nyšporom njedzelu, 9. měrca, w 17.00 hodž. zahaja tam spirituelnu instalaciju zwukow a swěcy „Stwórba“. Po tym budže wona hač do pjatka, 4. apryla, wšědnje wot pónđzele do pjatka wot 9.00 do 12.00 kaž tež wot 15.00 do 19.00 hodž. přistupna. Wona je přinošk katolskeje wosady k jubilejej přenjeho naspomnjenja Kamjenca před 800 lětami.

## **Za Drježdžanskich kapałnikow komponować**

Pod hesłom „Sing to the Lord a new song“ (Spěwajće Knjezej nowy spěw) přeprošuja Drježdžanscy kapałnicy přeni raz na wurisanje komponowanja. Prapremjera dobyćerskeho krucha budže njedzelu, 26. oktobra, w Drježdžanskej katedrali na Božej mši, kotruž Deutschlandfunk přenjese. Zapodać ma so kompozicija Božej mše hač do njedzele, 1. junija. Nadrobne wupisanje je pod w [www.posol.de](http://www.posol.de) wozjewjene.

## **Putnikowanje młodostnych do Roma**

Bamž Franciskus je wšitkich młodostnych na tydzeń młodžiny do Roma přeprosył. Tón ma so w formaće swětowego zetkanja młodžiny wotměć, to rěka zwiski nawjazać a so zhromadnje modlić. Młodostni su přeprošeni so na putnikowanju z biskopom Heinrichom Timmereversom wot pónđzele do pónđzele, 29. julija do 4. awgusta, wobdželić. Nimo Roma je Assisi jedna ze stacijow. Zajimcy měli so online přizjewić. Link k tomu kaž tež nadrobny program nańdu pod [www.posol.de](http://www.posol.de).

## **Jutrowny kurs w Smochćicach**

Pod hesłom „Přelam k žiwjenju!“ wotměje so wot zeleneho štwórtka hač do jutrońki, 17. do 20. apryla, w Smochčanskim kubłanišću swjateho Bena jutrowny kurs za swójby z džěćimi, pory a samostejacych. Na njón přeprošuje wotrjad za swójby Drježdžansko-Mišnjanskeho biskopstwa. Planowane su mjez druhim koncert z pasionskej hudźbu, wuhotowanje jutrownych swěčkow a jejkow kaž tež poskitki k rozpominanju a modlenju. Linkaj k nadrobnišim informacijam kaž tež k přizjewjenju stej pod [www.posol.de](http://www.posol.de) podatej.